

Қазақстан Республикасының Үкіметі мен Украина Министрлер Кабинетінің арасында Радиоактивтік әсердің зардаптарын жою және радиацияға байланысты ауруларды емдеу саласында ғылыми-техникалық ынтымақтастықты нығайту және жұмыс тәжірибесін алмасуды ұйымдастыру туралы келісім жасасу туралы

Қазақстан Республикасы Үкіметінің Қаулысы 1999 жылғы 21 қыркүйек N 1430

Екі тараптың ұзақ мерзімді негіздегі өзара тиімді ынтымақтастыққа мүдделілігін ескере отырып Қазақстан Республикасы мен Украина Республикасының медицина мен денсаулық сақтау саласындағы дәстүрлі байланыстарын одан әрі тереңдету мақсатында Қазақстан Республикасының Үкіметі қаулы етеді:

1. Қазақстан Республикасының Үкіметі мен Украина Министрлер Кабинетінің арасында Радиоактивтік әсердің зардаптарын жою және радиацияға байланысты ауруларды емдеу саласында ғылыми-техникалық ынтымақтастықты нығайту және жұмыс тәжірибесін алмасуды ұйымдастыру туралы келісім жасалсын.
2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Қазақстан Республикасының Үкіметі мен Украина Министрлер Кабинетінің арасында Радиоактивтік әсердің зардаптарын жою және радиацияға байланысты ауруларды емдеу саласында ғылыми-техникалық ынтымақтастықты нығайту және жұмыс тәжірибесін алмасуды ұйымдастыру туралы Келісім

(Осы Қаулы қол қойылған күнінен бастап күшіне енеді - СІМ-нің ресми сайты)

Бұдан әрі "Тараптар" деп аталатын Қазақстан Республикасы Үкіметі мен Украина Министрлер Кабинеті медицина және денсаулық сақтау саласында тең құқықтық принциптерді негізге ала отырып, мемлекеттердің егемендігін құрметтеп, дәстүрлі байланыстарды қолдау мен дамытуға ұмтылысты назарға ала отырып, радиациялық әсерге душар болған адамдардың диагностикасы, оларды емдеу мен оңалту жөнінде қазіргі заманғы ғылыми-техникалық жұмыстарды жүргізудің көкейкестілігін мойындай отырып, Тараптардың ұзақ мерзімді және тұрақты негізде өзара тиімді қарым-қатынасқа мүдделілігін ескере отырып, төмендегіге келісті:

Тараптар радиоактивті әсер етудің зардаптарын жою және радиацияға байланысты сырқаттарды емдеу саласындағы ынтымақтастықты нығайтуға маңызды мән бере отырып экологиялық жағдайды жақсарту бойынша ғылыми-техникалық қарым-қатынасты дамытып, өзара іс-қимыл жасап және келісілген шаралар қолданып, тәжірибе және ғылыми-техникалық ақпарат алмасуды жүзеге асыратын болады.

2-бап

Тараптар бұдан әрі мәтін бойынша "ынтымақтасушы ұйымдар" деп аталатын денсаулық сақтау мекемелерінің, сондай-ақ, денсаулық сақтау органдарының арасында нарықтық қатынастарға көшудің ерекшеліктерін ескере отырып тікелей байланыстарды кеңейтуге жағдай жасайтын болады.

3-бап

Тараптар денсаулық сақтау және медицина ғылымының мынадай салаларында өзара тиімді қарым-қатынасты дамытатын болады:

- алдын-алу медицинасы және қоршаған ортаны қорғау;

- фармация және медициналық техника, оның ішінде өндірісі саласында;

а) Тараптар қазақстандық және украиналық шаруашылық субъектілері арасында кооперативтік байланысты дамытуға жағдай жасайтын болады.

- Кооперативтік қарым-қатынас Қазақстан және Украинаның мүдделі шаруашылық субъектілерін Тараптардың қолданылып жүрген заңдылықтарына және халықаралық құқық нормаларына сәйкес жасалған шарттары негізінде жүзеге асырылатын болады.

б) Ғылыми-зерттеу мекемесі. Қазақстан Республикасы мен Украина фармацевтикалық өнеркәсіп саласында қызмет етеді, екі жақты шарт негізіндегі қарым-қатынасты жүзеге асырады. Шартта қарым-қатынастың түрі мен шарттары, тараптардың қолданылып жүрген заңдылықтарына және халықаралық нормаларына сәйкес келуі анықталады.

в) Тараптар өзара келісілді, Тараптардың бірі өтініш жасаған жағдайда фармацевтикалық өнеркәсіп саласында қабылдаған нормативтік актілер жөнінде ақпараттар беруді жүзеге асырады.

г) Тараптар дәрі-дәрмектерді сырттан әкелу үшін импорттық лицензиялар беру процесін жетілдіру мүмкіндігі жөніндегі шараларды игеру туралы келісілді.

д) Тараптар осы келісімге қол қойылған күннен бастап үш ай ішінде құрамында әр тараптан бес өкілден кіретін жұмысшы тобын құруды міндетіне алады.

е) жұмысшы тобы құрылған күннен бастап алты ай мерзім ішінде GMP (тиісті өндіріс ережесі) принципін енгізу үшін фармацевтік өнеркәсіп қызметкерлерінің біліктілігін көтеруді ескере отырып фармацевтік өнеркәсіп саласындағы қарым-қатынастың жоспарын жасайды.

- санаториялық-курорттық емдеу және оңалту,
- ғылыми-медициналық кадрларды даярлау,
- ғылыми жұмыстарды бірлесіп өткізу,
- ақпараттық және компьютерлік жүйені жетілдіру және игеру,
- дәрі-дәрмектер мен медициналық техникаларды стандартталуына, сертификатталуына сапасына бақылау жүргізу.

4-бап

Ынтымақтасушы ұйымдардың арасындағы байланыстар екі уағдаласушы Тараптардың заңдарына сәйкес тікелей шарттардың негізінде жүзеге асырылады. Ынтымақтасушы ұйымдар шарттық міндеттемелердің сақталуы үшін жауапкершілікте болады.

5-бап

Тараптар өзара байланыс негізін уағдаласушы мемлекеттердің министрліктері мен ведомстволарының қарауындағы емдеу-профилактика, ғылыми-зерттеу, санаторийлық-курорттық және басқа да денсаулық сақтау мекемелеріне емдеу-кеңес беру, ғылыми және басқа қарым-қатынас түрлерін ұйымдастыруға ықпал ететін болады.

6-бап

Тараптар съездер, конференциялар мен басқа да осы секілді шараларды өткізу жоспарлары туралы бірін-бірі құлақтандыратын болады. Өз мемлекеттерінің ғылыми және медициналық қоғамдары мен басқа да ұйымдарының өтініші мен ұсыныстары бойынша осы шараларға іссапарға жіберуші тараптардың есебінен осы шараларға қатысушы мамандарды қабылдауға жәрдемдесетін болады.

7-бап

Тараптар қиын-қыстау жағдайларда тегін негізде шұғыл емдеу-кеңестік көмек көрсетуді қамтамасыз ететін болады.

8-бап

Тараптар жоғары және орта оқу орындарының оқу жоспарлары мен бағдарламаларын оңтайландыру бойынша бірлескен жұмысты жүргізіп, осы оқу

орындарының арасында тікелей шығармашылық байланыстар орнатып, шарттық негізде аспиранттар, докторанттар, студенттер мен оқушылар алмасуды келісім бойынша жүзеге асыратын болады.

9-бап

Тараптар тиісті құрылымдардың өзара іс-қимылы арқылы шарттық негізде өздеріне бағынышты ұйымдарда тиісті жолдамалар бөлу арқылы медициналық, оқытушы және ғылыми кадрлардың біліктілігін арттыру, сондай-ақ жұмыс орындарында тағлымдамадан өту мүмкіншілігін ұсынатын болады.

10-бап

Осы Келісімге өзгерістер мен толықтырулар Тараптардың өзара келісімі бойынша қабылданады және арнайы хаттамамен ресімделеді, ол осы Келісімнің ажырамас бөлігі болады.

11-бап

Осы Келісімнің ережелерін түсіндіру мен қолдану жөніндегі келіспеушіліктер уағдаласушы Тараптар өкілдерінің деңгейінде келіссөздер жүргізу және кеңесу жолымен шешілетін болады.

12-бап

Осы Келісім Тараптардың оның күшіне енуіне қажетті сәйкес ішкі мемлекеттік процедуралары орындағанын растайтын соңғы жазбаша мағлұмат берген күнінен б а с т а п к ү ш і н е е н е д і .

1999 жылы _____ қаласында екі данада әрқайсысы қазақ, украин және орыс тілдерінде жасалды және де барлық мәтіндері бірдей күшке ие. Осы Келісімді (ережелерін) түсіндіру үшін орыс тіліндегі мәтіні пайдаланылады.

Қазақстан Республикасының
Үкіметі үшін
үшін

Украина
Министрлер Кабинеті

О қ ы ғ а н д а р :
Қ о б д а л и е в а Н . М .

Икебаева А.Ж.